

ქალაქ თბილისის მუნიციპალიტეტის საკრებულოს ქონების მართვის და საფინანსო საბიუჯეტო კომისიის სხდომის

ოქმი № 47

1 მარტი 2019 წ.

ქ. თბილისი, თავისუფლების მოედანი №2

12:00 სთ

სხდომა ჩატარდა ტრანსპორტის, სარევიზიო და განათლებისა და კულტურის კომისიებთან ერთად.

მოწვეული სტუმარი:

საფინანსო საქალაქო სამსახურის წარმომადგენელი - ლევან მიქავა

ქონების მართვის და საფინანსო საბიუჯეტო კომისიის წევრებიდან სხდომას ესწრებოდნენ:

კომისიის თავმჯდომარე- ირაკლი ზარქუა

კომისიის წევრები: ლევან დავითაშვილი, ალექსანდრე ხუჯაძე, დავით უთმელიძე; ირაკლი ნადირაძე, ვახტანგ შაქარიშვილი.

ქონების მართვის და საფინანსო საბიუჯეტო კომისიის სხდომა უფლებამოსილია, რადგან სხდომას ესწრება კომისიის წევრთა უმრავლესობა.

გაერთიანებული კომისიების სხდომას თავმჯდომარეობდა ირაკლი ზარქუა.

სხდომის თავმჯდომარე მიესალმა სხდომაზე დამსწრე საზოგადოებას და გააცნო დღის წესრიგი.

დღის წესრიგი:

"ქალაქ თბილისის მუნიციპალიტეტის 2019 წლის ბიუჯეტის დამტკიცების შესახებ" ქალაქ თბილისის მუნიციპალიტეტის საკრებულოს 2018 წლის 25 დეკემბრის № 34 - 115 დადგენილებაში ცვლილების შეტანის შესახებ

კენჭი ეყარა დღის წესრიგს.

ქონების მართვის და საფინანსო საბიუჯეტო კომისიის მიერ დღის წესრიგი დამტკიცებული იქნა.

ბიუჯეტის ცვლილებების პროექტი წარმოადგინა ლევან მიქავამ. წარმოდგენილი პროექტით ქალაქ თბილისის მუნიციპალიტეტის 2019 წლის ბიუჯეტის მოცულობა იზრდება 62 820,0 ათასი ლარით და განისაზღვრება 1 063 101,8 ათასი ლარით. ცვლილებები ძირითადად ხორციელდება სესხის სახით მოზიდული სახსრების ბიუჯეტში ასახვით, რაზეც ქალაქ თბილისის მუნიციპალიტეტის მთავრობას მიღებული აქვს თანხმობები ქალაქ თბილისის მუნიციპალიტეტის საკრებულოს 2019 წლის 12 თებერვლის N29 და საქართველოს მთავრობის 2019 წლის 26 თებერვლის N335 განკარგულებებით. სესხის აღების მიზნით კომერციულ ბანკებში გაიხსნება საკრედიტო ხაზი, რომლის აუცილებლობაც განპირობებულია ქალაქ თბილისის მუნიციპალიტეტის უფლებამოსილების ფარგლებში კაპიტალური ინვესტიციების განხორციელებასთან დაკავშირებით. წარმოდგენილი ცვლილებებით თბილისის მუნიციპალიტეტის მერიას საშუალება ეძლევა დროულად განახორციელოს ისეთი მასშტაბური პროექტები, როგორცაა თბილისის განვითარების პროგრამის ფარგლებში დაგეგმილი ინფრასტრუქტურული ღონისძიებები და კახეთის გზატკეცილის რეაბილიტაცია.

ასევე, წარმოდგენილ ცვლილებებში გათვალისწინებულია თბილისის მუნიციპალიტეტის მერიის ზოგიერთი სტრუქტურული ერთეულის, საბიუჯეტო ორგანიზაციებისა და რაიონული გამგეობების

დამატებითი მოთხოვნების შესახებ წინადადებები, რაც მიმდინარე პერიოდში ჩატარებული ტენდერებიდან მიღებული ეკონომიებისა და სხვადასხვა პროგრამებში ღონისძიებების ღირებულების დაზუსტებით გამოთავისუფლებული თანხების ხარჯზე ხორციელდება.

ბიუჯეტის ზრდისა და მოძიებული ეკონომიების გათვალისწინებით სულ გადანაწილდა 68 324,6 ათასი ლარი შემდეგ პროგრამებსა და ქვეპროგრამებზე, მათ შორის:

იზრდება შემდეგი პროგრამის/ქვეპროგრამის ასიგნებები:

სატრანსპორტო ინფრასტრუქტურის მოწესრიგების ღონისძიებები (კოდი 01 02 01) იზრდება 1 880,3 ათასი ლარით; კეთილმოწყობის საქალაქო ღონისძიებები (კოდი 02 09 01) იზრდება 4 800,0 ათასი ლარით; ემატება პროგრამა 2015 წლის 13-14 ივნისს ძლიერი წვიმის შედეგად გამოწვეული სტიქიის სალიკვიდაციო ღონისძიებები 500,0 ათასი ლარის ოდენობით; პროგრამას თბილისში შემომყვანი ტურიზმის მხარდაჭერა (კოდი 04 08) ემატება 200,0 ათასი ლარი; ქვეპროგრამას დაავადებათა სკრინინგი (კოდი 06 01 02) ემატება 450,0 ათასი ლარი; სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარება (კოდი 06 02 02) იზრდება 30,0 ათასი ლარით; სასწრაფო სამედიცინო დახმარება (კოდი 06 01 01) იზრდება 3 357,0 ათასი ლარით; პროგრამა ქალაქის განვითარების ხელშეწყობა (კოდი 02 10) იზრდება 27 920,0 ათასი ლარით; გამწვანების ღონისძიებებს (კოდი 03 01) ემატება 5 200,0 ათასი ლარი; საზოგადოების განათლებისა და ინფორმირების ხელშეწყობა (კოდი 07 02 03) იზრდება 3 789,6 ათასი ლარით; საზოგადოებისათვის მნიშვნელოვანი ინფორმაციის გავრცელება (კოდი 07 02 04) იზრდება 557,3 ათასი ლარით; ქვეპროგრამა მუზეუმების გაერთიანების ხელშეწყობა (კოდი 08 03 12) იზრდება 200,0 ათასი ლარით; კულტურის დაწესებულებების მატერიალურ-ტექნიკური ბაზის გაუმჯობესების ღონისძიებები (კოდი 08 04 04) იზრდება 200,0 ათასი ლარით; იზრდება გზების მოვლა-შეკეთება რაიონებში სულ 12 262,2 ათასი ლარით, მათ შორის გზების მოვლა-შეკეთება გლდანის რაიონში - 2 907,9 ათასი ლარი, გზების მოვლა-შეკეთება ნაძალადევის რაიონში - 1 398,7 ათასი ლარი, გზების მოვლა-შეკეთება ჩუღურეთის რაიონში 124,3 ათასი ლარი, გზების მოვლა-შეკეთება ვაკის რაიონში 1 266,4 ათასი ლარი, გზების მოვლა-შეკეთება საბურთალოს რაიონში - 3 415,0 ათასი ლარი, გზების მოვლა-შეკეთება ისნის რაიონში 300,0 ათასი ლარი, გზების მოვლა-შეკეთება სამგორის რაიონში - 2 000,0 ათასი ლარი, გზების მოვლა-შეკეთება კრწანისის რაიონში 600,0 ათასი ლარი, გზების მოვლა-შეკეთება მთაწმინდის რაიონში 250,0 ათასი ლარი; იზრდება კეთილმოწყობის ღონისძიებები რაიონებში 2 884,3 ათასი ლარით, მათ შორის კეთილმოწყობის ღონისძიებები გლდანის რაიონში - 494,3 ათასი ლარით, კეთილმოწყობის ღონისძიებები ჩუღურეთის რაიონში - 162,3 ათასი ლარი, კეთილმოწყობის ღონისძიებები სამგორის რაიონში - 500,0 ათასი ლარი, კეთილმოწყობის ღონისძიებები კრწანისის რაიონში - 1 127,8 ათასი ლარი, კეთილმოწყობის ღონისძიებები მთაწმინდის რაიონში - 600,0 ათასი ლარი; თბილისის მუნიციპალიტეტის ქონების დაცვის უზრუნველყოფის პროგრამას (კოდი 09 01) ემატება 3 992,7 ათასი ლარი; იზრდება ნაძალადევის რაიონის გამგეობის ხარჯები (კოდი 10 28) 101,3 ათასი ლარით. გარდა ამისა ბიუჯეტში ასახული იქნა ავტოსატრანსპორტო საშუალებათა პარკირების რეგულირების ქვეპროგრამა 37,2 ათასი ლარის ოდენობით, წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდის შემცირების ხარჯზე.

მცირდება:

გზების მშენებლობა და აღდგენა (კოდი 01 01 01) 3 200,0 ათასი ლარით; ბინათმშენებლობა და ავარიული შენობების გამაგრება (კოდი 02 02) 1 600,0 ათასი ლარით; კომუნალური სუბსიდირება (კოდი 06 02 01) 300,0 ათასი ლარით; სოციალურად დაუცველ ოჯახებში ყველა ახალშობილზე ერთჯერადი დახმარება (კოდი 06 02 25) 30,0 ათასი ლარით; ცხოველთა მონიტორინგი (კოდი 09 02) 4,8 ათასი ლარით; ქალაქგაფორმებითი ღონისძიებები (კოდი 02 07) 79,7 ათასი ლარით; კეთილმოწყობის ღონისძიებები ისნის რაიონში (კოდი 02 09 16) 83,4 ათასი ლარით; მცირდება მერიის ადმინისტრაციის ხარჯები (კოდი 10 02) 206,8 ათასი ლარით.

ბიუჯეტის ცვლილებების განხილვა გაიმართა კითხვა-პასუხის რეჟიმში.

შეკითხვები ქონდათ: ირაკლი ნადირაძეს, ვახტანგ შაქარიშვილს, მარიკა დარჩიას.

ირაკლი ნადირაძე დაინტერესდა თუ რომელი ბანკი გამოვლინდა გამარჯვებულად და რა პირობებით ვდებთ ხელშეკრულებას საკრედიტო ხაზის გახსნასთან დაკავშირებით, „გარდა ამისა იზრდება სასწრაფო

სამედიცინო დახმარების პროგრამა და გამწვანების ღონისძიებები- კონკრეტულად რა ღონისძიებებისათვის არის ეს თანხები გათვალისწინებული“-იკითხა მან.

ირაკლი ნადირაძის შეკითხვაზე ლევან მიქავამ განმარტა, რომ მოკვლეული იქნა სულ 6 მსხვილი ბანკი, როგორცაა თიბისი, ბანკი „ქართუ“, „პროგრედიტი“, „ლიბერთი“ ბანკი. ყველაზე მისაღები ინფორმაცია დააფიქსირა თიბისი ბანკმა და ლიბერთი ბანკმა.საკრედიტო ხაზის პროცენტი არის 10,3 დან 10,5-მდე და არანაირ ჯარიმას და პირგასამტეხლოს არ ითვალისწინებს, ეს არის მოკვლევიდან სესხი რომელიც გადაიფარება სპეციალური ტრანსფერის მიღების შემდეგ. რაც შეეხება კითხვაში დასმული პროგრამების ასიგნებების გაზრდას, სასრაფო სამედიცინო დახმარების პროგრამაში გათვალისწინებულია სასწრაფოს მანქანების შეძენა. სულ 80 მანქანაზეა საუბარი,საიდანაც ნაწილი შეძენილი იქნება წელს. რაც შეეხება გამწვანების პროგრამებს უნდა გაკეთდეს ვარკეთილის პარკის, პირველი რესპუბლიკის პარკის რეაბილიტაცია და სხვა.

ვახტანგ შაქარიშვილის შეკითხვაზე თუ როდიდან ველოდებით სპეციალურ ტრანსფერს, ლევან მიქავამ უპასუხა: „პირველი კვარტლის შემდეგ“.

მარიკა დარჩიას შეკითხვაზე მუზეუმების დაფინანსებასთან დაკავშირებით, ლევან მიქავამ დააკონკრეტა რომ მხოლოდ ილია ჭავჭავაძის სახელობის მუზეუმის რემონტის დასრულებასა და რეაბილიტაციას მოხმარდება ბიუჯეტის ცვლილებებით პროექტში, შესაბამის პროგრამაში გათვალისწინებული თანხა.

ირაკლი ზარქუამ აღნიშნა, რომ საკრედიტო ხაზს ვიღებთ, არა ბანკი „ქართუდან“, არამედ ბანკებიდან, რომლებმაც ყველაზე მისაღები პირობები შემოგვთავაზეს.

შეკითხვების ამოწურვის შემდეგ,კომისიების წევრებმა კენჭი უყარეს დღის წესრიგით წარმოდგენილ საკითხს.

მომხრე-5. ირაკლი ნადირაძემ კენჭისყრაში მონაწილეობა არ მიიღო.

ქონების მართვის და საფინანსო საბიუჯეტო კომისიის წევრებმა დადებითად შეაფასეს და უმრავლესობით გადაწყვიტეს:

"ქალაქ თბილისის მუნიციპალიტეტის 2019 წლის ბიუჯეტის დამტკიცების შესახებ" ქალაქ თბილისის მუნიციპალიტეტის საკრებულოს 2018 წლის 25 დეკემბრის № 34 - 115 დადგენილებაში ცვლილების შეტანის შესახებ, საკრებულოს დადგენილების პროექტი გატანილ იქნას საკრებულოს სხდომაზე დასამტკიცებლად.

ქონების მართვის და საფინანსო საბიუჯეტო კომისიის სხდომა გამოცხადდა დახურულად.

ქონების მართვის და საფინანსო საბიუჯეტო

კომისიის თავმჯდომარე

ირაკლი ზარქუა

